

# **BORANG PENGISYTIHARAN UNTUK PERMOHONAN PENDAFTARAN SYARIKAT/FIRMA PERUNDING DENGAN KEMENTERIAN KEWANGAN MALAYSIA**

No. Rujukan Permohonan : \_\_\_\_\_

Jenis Permohonan : \_\_\_\_\_

## **Pengisytiharan Untuk Permohonan Pendaftaran Dengan Kementerian Kewangan Malaysia**

1. Saya/Kami mengaku bahawa segala maklumat di dalam borang pengisytiharan ini, borang permohonan dan dokumen sokongan yang dikemukakan adalah sah dan benar. Saya/Kami dengan ini membenarkan Kementerian Kewangan Malaysia untuk menyemak mana-mana keterangan di dalam borang pengisytiharan ini, borang permohonan dan dokumen sokongan dengan pihak saya/kami atau mana-mana pihak ketiga yang berkaitan. Saya/Kami bersetuju kami bertanggung jawab untuk mengemas kini maklumat syarikat yang telah didaftarkan sekiranya terdapat apa-apa perubahan dalam tempoh masa dua puluh satu (21) hari dari tarikh perubahan tersebut berlaku. Sekiranya gagal, Kementerian Kewangan Malaysia boleh membatalkan pendaftaran atau mengambil lain-lain tindakan.
2. Saya/Kami bersetuju membenarkan wakil Kementerian Kewangan Malaysia melakukan lawatan pemeriksaan/audit ke premis syarikat/firma perunding serta menyemak dokumen dan maklumat berkaitan.
3. Saya/Kami mengaku bahawa syarikat/firma perunding saya/kami, tidak mempunyai Pemilik, Lembaga Pengarah/Pengarah, Pengurus dan Pekerja dalam mana-mana syarikat/firma perunding yang berdaftar dengan Kementerian Kewangan Malaysia dalam bidang yang sama. Saya/Kami bersetuju bahawa hanya personel yang diberi kuasa secara bertulis oleh syarikat/firma perunding dan dinamakan dalam Sijil Akuan Pendaftaran Syarikat/Perunding dibenarkan untuk berurusan bagi pihak syarikat/firma perunding dalam perolehan Kerajaan.
4. Saya/Kami bersetuju bahawa syarikat/firma perunding yang baru didaftarkan tidak dibenarkan membuat sebarang perubahan ke atas Pemilik dan Lembaga Pengarah/Pengarah dalam tempoh enam (6) bulan dari tarikh didaftarkan.
5. Saya/Kami membenarkan Kementerian Kewangan Malaysia memberi maklumat syarikat/firma perunding kepada agensi Kerajaan bagi tujuan perolehan Kerajaan dan kepada pihak lain bagi tujuan penambahbaikan dalam Sistem Penyampaian Kerajaan.
6. Saya/Kami faham bahawa kegagalan mematuhi mana-mana perkara di atas akan membolehkan Kementerian Kewangan Malaysia menolak permohonan pendaftaran syarikat/firma perunding dan maklum bahawa sekiranya permohonan ditolak, dokumen tersebut akan dilupuskan selepas tempoh empat belas (14) hari dari tarikh penolakan kecuali jika terdapat permintaan oleh syarikat/firma perunding dalam tempoh tersebut, dokumen tersebut akan dipegang sementara dalam tempoh tujuh (7) hari daripada permohonan rasmi syarikat/firma perunding.
7. Saya/Kami faham bahawa dokumen yang dikemukakan adalah menjadi hak milik Kerajaan selepas permohonan diluluskan atau permohonan ditolak selepas lawatan/audit.
8. Saya/Kami bersetuju memberi kebenaran kepada Kementerian Kewangan Malaysia membatalkan pendaftaran dan mengeluarkan secara automatik maklumat syarikat/firma perunding saya/kami dari rekod Sistem ePerolehan sekiranya saya/kami tidak memperbaharui pendaftaran syarikat/firma perunding selepas tempoh satu (1) tahun dari tarikh tamat pendaftaran. Saya/Kami boleh membuat permohonan baru sekiranya masih berminat untuk berdaftar dengan Kementerian Kewangan Malaysia selepas tempoh yang ditetapkan.
9. Saya/Kami faham bahawa Kerajaan Malaysia dan Kementerian Kewangan Malaysia adalah tidak bertanggungjawab ke atas apa-apa kerugian ke atas syarikat/firma perunding setelah berdaftar dengan Kementerian Kewangan Malaysia dan/atau penggunaan mana-mana maklumat yang diperolehi dari laman web [www.eperolehan.gov.my](http://www.eperolehan.gov.my). Saya/Kami juga bersetuju bahawa kelulusan pendaftaran ini tidak mengikat Kerajaan untuk menawarkan sebarang perolehan Kerajaan kepada syarikat/firma perunding saya/kami.
10. Saya/Kami faham bahawa sebarang perbuatan atau percubaan rasuah untuk menawar atau memberi, meminta atau menerima apa-apa suapan secara rasuah kepada dan daripada mana-mana orang berkaitan perolehan Kerajaan merupakan suatu kesalahan jenayah di bawah Akta Suruhanjaya Pencegahan Rasuah Malaysia 2009 [Akta 694]. Sekiranya terdapat mana-mana individu cuba meminta rasuah daripada saya/kami sebagai sogokan berkaitan perolehan Kerajaan, maka saya/kami berjanji akan dengan segera melaporkan perbuatan tersebut kepada Suruhanjaya Pencegahan Rasuah Malaysia (SPRM) atau balai polis berhampiran.

Tandatangan : \_\_\_\_\_

Nama Pemohon\* : \_\_\_\_\_

No. K/P/Pasport : \_\_\_\_\_

Jawatan : \_\_\_\_\_

Nama Syarikat/Firma Perunding : \_\_\_\_\_

Tarikh : \_\_\_\_\_

Cop Rasmi  
Syarikat/Firma Perunding

\* Nota: Hanya boleh ditandatangani oleh Pemilik/Pengarah/Pengurus syarikat/firma perunding yang diisytihar dalam Sistem ePerolehan sahaja.